

ხელშეკრულება საქონლის შესყიდვის შესახებ # 60-7-221-386

ქ. თბილისი

28 აპრილი 2021 წ.

I. მხარეები

1.1 წინამდებარე ხელშეკრულება დადებულია 2021 წლის 28 აპრილს, ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მისი მმართველთა საბჭოს წევრის დავით ვარდიშვილის (მინდობილობა N200878077) სახით და მეორეს მხრივ შპს „ფლესიკს“ (შემდგომში „მიმწოდებელი“), წარმოდგენილი მისი დირექტორის ნანა ვალიევის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს ანკერები, ქანჩითა და საყელურით (CPV კოდი: 44500000, 44530000) დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს 30 368.5 (ოცდაათი ათას სამას სამოცდარვა დოლარი და 50 ცენტი) აშშ დოლარს (შემდგომში – „ხელშეკრულების ღირებულება“). საქონლის ღირებულება ითვალისწინებს ყველა ხარჯს, მათ შორის: საქონლის ტრანსპორტირების ხარჯების გათვალისწინებით, „შემსყიდველის“ შემდეგ მისამართამდე: ქ. თბილისი, ქინძმარაულის #29 (სსე-ს მატერიალურ-ტექნიკური ბაზა)

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და საგადასახადო ანგარიშფაქტურის წარმოდგენის შემდეგ არაუგვიანეს 8 (რვა) სამუშაო დღის განმავლობაში;

3.3. მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დააყოვნებს ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.4 ანგარიშსწორება განხორციელდება ლარში, უნაღდო ანგარიშსწორების ფორმით. გადახდის დღეს საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად აშშ დოლართან მიმართებაში.

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1 გადასცეს „შემსყიდველს“ საქონელი (ექსპლუატაციაში არ მყოფი, არ უნდა იყოს აღდგენილი ან/და მეორადი).

4.2. „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. მიწოდების ვადა და ადგილი.

5.1 საქონლის მიწოდების ვადა არის: ხელშეკრულების გაფორმებიდან არაუმეტეს 45 (ორმოცდახუთი) კალენდარული დღე.

5.2 საქონლის მიწოდების ადგილი (მისამართი) არის: ქ. თბილისი, ქინძმარაულის #29 (სსე-ს მატერიალურ-ტექნიკური ბაზა)

საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს.

VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-

ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.4 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისთვის“ 6.2 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ რკინა-ბეტონის კონსტრუქციების წარმოებისა და მშენებლობის სამსახურის უფროსი ირაკლი პატარაია და სამშენებლო სამუშაოების წარმოების განყოფილების უფროსი სპეციალისტი მირზა სართანია

7.3 კონტროლი განხორციელდება საქონლის მიწოდების ვადების და მიწოდებული საქონლის შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან/და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის,

გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა. ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს „შემსყიდველის“ მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIII. შესყიდვის ობიექტის მიღება-ჩაბარების წესი

13.1 მიღება-ჩაბარების აქტი ფორმდება საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად.

13.2 საქონლის მოწოდებისას „შემსყიდველის“ მიერ წინამდებარე ხელშეკრულების 7.2 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

13.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

13.4 საქონლის მიღება-ჩაბარების აქტის ხელმოწერაზე უფლებამოსილ პირად განისაზღვროს სს „სსე-ის“ „შესაბამისი მართველთა საბჭოს“ წევრი ან/ და შესაბამისი დეპარტამენტის უფროსი.

XIV. ხელშეკრულების მოქმედების ვადები

14.1. ხელშეკრულება ძალაში შედის მხარეთა მიერ ხელმოწერისთანავე.

14.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2021 წლის 31 აგვისტოსი.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე.

15.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVI. კონფიდენციალურობა და გაუმჟღავნებლობა:

16.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XVII. მხარეთა რეკვიზიტები

„შემსყიდველი“:

სს „საქართველოს სახელმწიფო
ელექტროსისტემა“
ქ. თბილისი, ბარათაშვილის ქ.#2

საიდ. კოდი: 204995176
ს/ს „თბილისი ბანკი“
ბანკის კოდი: TBCBGE 22
ანგარიშის №GE02TB0600000102467636

დავით ვარდიაშვილი
მმართველთა საბჭოს წევრი
ბ.ა

„მიმწოდებელი“:

შპს „ფლესიეს“
ქ. თბილისი, ახუნდოვის ქ. N7
ტელ. +994 502 46 00 45

საიდ.კოდი: 404600464
ს/ს „თბილისი ბანკი“
ბანკის კოდი: TBCBGE 22
ანგარიში № GE25TB7991736080100014 (USD/EUR)

ნანა ვალიევი
დირექტორი
ბ.ა

დანართი # 1
ფასების ცხრილი:

#	საქონლის დასახელება	წარმოშობის ქვეყანა/მწარმოებელი კომპანია	განზ.	რაოდ.	ერთეულის ღირებულება დღგ-ს ჩათვლით (აშშ დოლარი)	ჯამური ღირებულება დღგ-ს ჩათვლით (აშშ დოლარი)
1	2	3	4	5	6	7
1	ანკერი 24მმ, ქანჩითა და საყელურით (ნახაზი #1.3)	თურქეთი, Enka Civata	კომპლექტი	1000	6.83	6 830
2	ანკერი 27მმ, ქანჩითა და საყელურით (ნახაზი #1.2)	თურქეთი, Enka Civata	კომპლექტი	1250	9.91	12 387.5
3	ანკერი 36მმ, ქანჩითა და საყელურით (ნახაზი #1.1)	თურქეთი, Enka Civata	კომპლექტი	450	24.78	11 151
საერთო ღირებულება დღგ-ს ჩათვლით (აშშ დოლარი)						30 368.5

„ხელშეკრულების ღირებულება“ შეადგენს 30 368.5 (ოცდაათი ათას სამას სამოცდარვა დოლარი და 50 ცენტი) აშშ დოლარს დღგ-ს ჩათვლით.

„შემსყიდველი“:

სს „საქართველოს სახელმწიფო
ელექტროსისტემა“

დავით ვარდიაშვილი
მმართველთა საბჭოს წევრი
ბ.ა

„მიმწოდებელი“:

შპს „ფლესიეს“

ნანა ვალიევი
დირექტორი
ბ.ა

დანართი # 2
ტექნიკური პირობა

#	საქონლის დასახელება	საქონლის ძირითადი მახასიათებლები	განზ.	რაოდ.
1	2	3	4	5
1	ანკერი 24მმ, ქანჩითა და საყელურით (ნახაზი #1.3)	ანკერი 24მმ - (მოთუთიებული) ბოლოში მოღუნული 18 - 22 სმ-ით, სიგრძე: 100სმ; ხრახნი დაიჭრება 20სმ; ხრახნის ზოგი N3; ფოლადის მარკა: EN1040 6.8 ხარისხი	კომპლექტი	1000
		ქანჩი 24მმ - (მოთუთიებული) ანკერის შესაბამისი ზოგით DIN 934 6CL 20MnB4		
		საყელური 24მმ - (მოთუთიებული) ტიპიური ანკერი 24 მმ; ქანჩი 24 მმ და საყელური 24 მმ აწყობილ მდგომარეობაში (1 ანკერი, 2 ქანჩი და 1 საყელური) DIN 125 / C45 ხარისხი		
2	ანკერი 27მმ, ქანჩითა და საყელურით (ნახაზი #1.2)	ანკერი 27მმ - (მოთუთიებული) ბოლოში მოღუნული 18 - 22 სმ-ით, სიგრძე:100სმ; ხრახნი დაიჭრება 20სმ; ხრახნის ზოგი N3; ფოლადის მარკა: EN1040 6.8 ხარისხი	კომპლექტი	1250
		ქანჩი 27მმ - (მოთუთიებული) ანკერის შესაბამისი ზოგით DIN 934 6CL 20MnB4		
		საყელური 27მმ - (მოთუთიებული) ტიპიური; ანკერი 27 მმ; ქანჩი 27 მმ და საყელური 27 მმ აწყობილ მდგომარეობაში (1 ანკერი, 2 ქანჩი და 1 საყელური) DIN 125 / C45 ხარისხი		
3	ანკერი 36მმ, ქანჩითა და საყელურით (ნახაზი #1.1)	ანკერი 36მმ - (მოთუთიებული) მთლიანად სწორი; სიგრძე: 62სმ; ხრახნი დაიჭრება 20სმ; ხრახნის ზოგი N4; ფოლადის მარკა: 1040 6.8 ხარისხი	კომპლექტი	450
		ქანჩი 36მმ - (მოთუთიებული) ანკერის შესაბამისი ზოგით DIN 934 6CL 20MnB4		
		საყელური 36მმ - (მოთუთიებული) 150*150*8მმ. ანკერი 36 მმ; ქანჩი 36 მმ და საყელური 36 მმ აწყობილ მდგომარეობაში (1 ანკერი, 2 ქანჩი და 1 საყელური) S235JR ხარისხი		

შენიშვნა: საქონელი უნდა იყოს ექსპლუატაციაში არ მყოფი (არ უნდა იყოს აღდგენილი ან/და მეორადი).

„შემსყიდველი“:

სს „საქართველოს სახელმწიფო ელექტროსისტემა“


დავით ვარდიაშვილი
მმართველთა საბჭოს წევრი
ბ.ა

“მიმწოდებელი“:


შპს „ფლესიეს“

ნანა ვალიევი
დირექტორი
ბ.ა

ნახაზი #1.3




No	ნაწილის სახელი	მასალა	რაოდენობა	შენიშვნა
1	Din 976 M24 L:820	6.8 ხარისხი	1000 ცალი	გალვანური
2	Din 934 M24	6 ხარისხი	2000 ცალი	გალვანური
3	Din 125 M24	St 37	1000 ცალი	გალვანური



 CIVAT TİMALAT VE SANAYİ
 MAMÜLLERİ PAZARLAMA A.Ş.
 Gosh İhsan Caddesi No:124 Gebze Kucakı
 Tel:0262 677 06 61 Faks:0262 677 06 65
 Mersis no:0835044845100030
 İlyasbey V.D. 3350448451

თუ სხვაგვარად არ არის მითითებული: ზოგადი ტოლერანტობა : DIN / ISO 2768-მს-H გეომეტრიული განზომილება : ASME Y14.5-2009 ზედაპირის ხარისხი: Rz 25 ერთეული: მმ კუთხეებისა და კიდეებისთვის DIN6784 ზომები არის დაფარვის შემდეგ		ENKA CIVATA 		
შედგენილია თოლგა	თარიღი	ნახაზის სათაური		
ქარანფილის მიერ	15.03.2021	ANCHOR PART BASE BLOCK		
შედგენილია თოლგა	თარიღი	ზომ შა	ნახაზის ნომერი	REV
ქარანფილის მიერ	19.03.2020	A4	CHO-0001	0
შედგენილია თოლგა	თარიღი	მასშტაბი	მასალა:	გვერდი
ქარანფილის მიერ	19.03.2020	1:10		1/1

ნახაზი #1.2




No	ნაწილის სახელი	მასალა	რაოდენობა	შენიშვნა
1	Din 976 M27 L:820	6.8 ხარისხი	1250 ცალი	გალვანური
2	Din 934 M27	6 ხარისხი	2500 ცალი	გალვანური
3	Din 125 M27	St 37	1250 ცალი	გალვანური


 CIVATA İMALAT VE SANAYİ
 MAMÜLLERİ PAZARLAMA A.Ş.
 Gosh İhsan Değir. Cd. No:124 Gebze Kocaeli
 Tel:0262 677 06 51 Faks:0262 677 06 65
 Mersis no:0835044845100030
 İlyasbey V.D. 3350448451

თუ სხვაგვარად არ არის მითითებული: ზოგადი ტოლერანტობა : DIN/ISO 2768-m-H გეომეტრიული განზომილება : ASME Y14.5- 2009 ზედაპირის ხარისხი: Rz 25 ერთეული: mm კუთხეებისა და კრძელებისთვის DIN6784 ზომები არის დარღვევის შემდეგ		ENKA CIVATA 		
შედგენილია თოლგა ქარ აწეილის შიერ	თარ ილი 15.03.2021	5 ახაზის სათაური ANCHOR PART BASE BLOCK		
შედგენილია თოლგა ქარ აწეილის შიერ	თარ ილი 19.03.2020	ზო შ ა A4	5 ახაზის ნომერი: CHO-0001	REV 0
შედგენილია თოლგა ქარ აწეილის შიერ	თარ ილი 19.03.2020	შ ასშტაბი 1:10	მასალა:	გვერდი 1/1

ნახაზი #1.1



No	ნაწილის სახელი	მასალა	რაოდენობა	შენიშვნა
1	Din 976 M36 L:620	6.8 ხარისხი	450 ცალი	გალვანური
2	Din 934 M36	6 ხარისხი	450 ცალი	გალვანური
3	Din 125 M36	St 37	450 ცალი	გალვანური
4	წამყვანის ფირფიტა	S235JR	450 ცალი	გალვანური

თუ სხვაგვარად არ არის მითითებული: ზოგადი ტოლერანტობა : DIN/ISO 2768-m-H გეომეტრიული განზომილება : ASME Y14.5-2009 ზედამიწის ხარისხი: Rz 25 ერთეული: mm კუთხეებისა და კიდვებისთვის DIN6784 ზომები არის დაფარვის შემდეგ		ENKA CIVATA 		
შედგენილია თოლგა ქარ ანფილის მიერ	თარი იღი 15.03.2021	ნახაზის სათაური ANCHOR PART BASE BLOCK		
შედგენილია თოლგა ქარ ანფილის მიერ	თარი იღი 19.03.2020	ზო შ ა A4	ნახაზის ნომერი: CHO-0001	REV 0
შედგენილია თოლგა ქარ ანფილის მიერ	თარი იღი 19.03.2020	შ ასშტაბი 1:10	მასალა:	გვერდი 1/1


CIVATA İMALAT VE SANAYİ
MAMÜLLERİ PAZARLAMA A.Ş.
 Gösb İhsan Değir Co. NO:124 Gebze Kocaeli
 Tel:0262 677 06 61 Faks:0262 677 06 65
 Mersis no:0835044845100030
 İlyasbey V.D. 3350448451